

揚州府志卷之三十九

藝文 四

詩 五言律

廣陵別薛八

唐 孟浩然

士有不得志棲棲吳楚間廣陵相遇罷彭蠡泛舟還櫓  
出江中樹波連海上山風帆明日遠何處更追攀

廣陵贈別

李 白

玉壺沽美酒數里送君還繫馬垂楊下銜杯大道聞天  
邊看綠水海上見青山興罷各分袂何須別醉顏

客廣陵

王昌齡

揚州府志

卷之三十九

藝文

一

樓頭廣陵近九月在南徐秋色明海縣寒煙生里間夜  
帆歸楚客昨日渡江書為問易名叟垂綸不見魚

廣陵別鄭處士

高 適

落日知分手春風莫斷腸興來無不愜才在亦何傷溪  
水堪垂釣江田耐插秧人生只為此亦足傲羲皇

送揚州王司馬

岑 參

君家舊淮水水上到揚州海樹青官舍江雲黑郡樓東  
南隨去鳥人吏待行舟為報吾兄道如今已白頭

送元倉曹歸廣陵

韋應物

官閒得去住告別戀音徽舊國應無業他鄉到是歸楚



山明月滿淮甸夜鐘微何處孤舟泊遙遙心曲違

送隗廣下第歸揚州

下第常稱屈少年心獨輕拜親歸海畔似舅得詩名晚  
對青山別遙等芳草行還期應不遠寒露濕蕪城

過揚州二首

韓翃

郭滿是春光街衢土亦香竹風輕履舄花露膩衣裳谷  
鳥鳴還艷山夫到亦狂可憐游滯地煬帝國銷亡  
江北風光嫩淮南勝景多市鄺持燭入鄰里漾船過有  
地皆栽竹無家不養鵝春風蕩城郭滿耳是笙歌

揚州春詞

姚合

揚州府志

卷之三十九 藝文

二

廣陵寒食天無霧復無煙晚日凝花柳春風散管絃園  
林多是宅車馬少於船莫喚遊人住遊人困不眠

揚州

杜牧

秋風放螢苑春草鬪雞臺金絡擎雕去鑿環拾翠來蜀  
船紅錦重越橐水沉堆處處皆華表淮王奈却迴

廣陵道中

許渾

城勢已坡陁城邊東逝波綠桑非苑樹青草是宮莎山  
暝牛羊少水寒鳧鴈多因高一回首還詠黍離歌

揚州

李端

游宦今空返浮淮一鴈秋白雲陰澤國青草遶揚州調



膳過花下張筵到水頭崑山仍有玉歲宴莫遲留

途次惟揚望京口寄白下諸公 蔣 渙

北望情何限南行路轉深晚帆低荻葉寒日下楓林雲  
白蘭陵渚煙青建業岑江天秋向盡無處不傷心

廣陵寒食夜 李 中

廣陵寒食夜豪貴足佳期紫陌人歸後紅樓月上時綺  
羅香未歇綠竹韻猶遲明日踏青輿輸他輕薄兒

寄揚州侯都監仲倫 宋 司馬光

木落淮南樹秋風日夜高月臨揚子渡雪卷廣陵濤不  
得同蕭散何由破鬱陶空憑人書速未解夢魂勞

揚州府志 卷之三十九 藝文 三

寒食 王禹偁

寒食江都郡青旗賣楚醪樓臺藏綠柳籬落露紅桃妓  
女穿輕屐笙歌泛小舸使君慵不出愁坐讀離騷

贈董揚休知真州 蘇 軾

奏課東南最分符江海衝往來觀惠術盤錯試餘鋒文  
字從堆案罇疊絕懈容金山只隔水時復耳晨鐘

揚州 米 芾

春風何索寞帶雪入揚州向想遺釵雀重觀上玉鈞真  
同一夢覺空憶十年遊邂逅逢孫楚酣歌慰滯留

次揚州何安撫節機韻 丁 木



送別邗江路梅花作暮愁關情何水部回首古揚州  
鴈影明寒水冰澌澁去舟想應今夜宿霜月滿瓜洲

登揚州城北門予昔侍親寓居此城下驛舍十八

年矣愴然感動

劉敞

昔釣城下水今來十八年居人能幾在里巷獨依然  
手種成喬木躬耕有廢田悲歌顧千騎不覺涕淪漣

廣陵

呂本中

往來六十里各是一江郊柳色團渦岸春風楊子橋  
好山當斷岸野鳥度空巢一任雷塘路暮天風雨號

惟揚客舍

劉克莊

揚州府志

卷之三十九

藝文

四

久作揚州客愁來未易禁頗知邊地事愈動故園心  
花譜猶堪續橋名不可尋却疑張祐輩泉下有新吟

白沙驛

文天祥

山川如識我故舊更無人俯仰干戈迹往來車馬塵  
英雄遺算晚天地暗愁新北首燕山路淒涼夜向晨

秦州

羈臣家萬里天日鑒孤忠身在坤維外身遊坎窞中  
長淮行不斷若海望無窮晚鵲傳家好通州路不通

真州

元貢奎

一雨淮南霽新城喜暫登江平流浩浩山遠路層層大



船連檣發高樓列檻凭北居殊覺久眼畏火雲蒸

揚州

明汪廣洋

憶昔曾遊地於今有幾家濕雲纏戍鼓高柳聚城鴉元  
鶴去無迹綠蕪愁更賒盈盈江上月何處照瓊花

過高郵

楊士奇

四顧無山色蒼茫極遠天水雲涵郡郭秔稻被湖田草  
舍津頭市菱歌柳外船羈愁念前路非爲別離牽

過寶應湖

王洪

草屋自成聚門前湖水流平蕪遙見塔小港曲通舟檣  
日留飛燕帆風起白鷗江湖多逸興况是及春遊

揚州府志

卷之三十九

藝文

五

晚過揚州

劉溥

長河懸落照短棹尚孤征衰柳愁邊斷殘霞雨外明人  
喧楊子渡鐘動廣陵城漸去鄉關遠淒然倍旅情

廣陵晚發

張時徹

征夫逐草露夜夜月中眠霧擁元猿嘯風吹白鴈旋有  
江能繪樹無路不生煙旭日秋光淡芙蓉亦可憐

出楊子橋喜見江南山色

郭第

小艇淮南道經過無限情可憐楊子渡不見海潮生水  
斷瓜洲驛江連北固城漲沙三十里樹杪亂山橫

高郵道中

國朝吳偉業



野宿菰蒲晚荒陂積雨痕湖長城入岸塔動樹浮村漁  
出沙成路僧歸月在門牽船上瓜埭吹火映籬根  
十里藕塘曲浮圖插碧虛霜清見江楚山斷入淮徐水  
驛難逢樹溪橋易換魚客程愁幾日已覺久無書

汪子起文返真州

龔鼎孳

虎觀橫經地惟揚有俊人來分都講席歸戀白華春名  
士何蕃最先生原憲貧扁舟能逐汝江閣訪松筠

平山堂留別穉恭友沂穆倩

周亮工

直北踪無定淮南路未通寒沙迷古驛濁酒紀春風嶺  
客新呼酒吳兒學挽弓臺前人影亂何處盼飛鴻

揚州府志

卷之三十九

藝文

六

廣陵贈別袁蔞庵

曹溶

聯舫邗溝路雲濤興渺然柳無經歲別月似故山圓老  
淚霑歌板歸裝儉秫田桓家寒具美一飽足高眠  
曾見熊幡出章華弔故宮罷傾沙市酒閒挂廣陵篷六  
代鳴弓外三山拄頰中盛傳金縷曲吹徧柳條風

八寶宿李氏園亭

宮偉鏐

長堤湖水濶客入草堂幽檻外倪迂樹牕前范蠡舟晴  
鳩啼雨濕海燕掠沙秋落日安平道渾忘汗漫遊

真州南郭泛舟

王士徵

出郭汀山好行吟步履斜稻苗香積水竹葉隱漁家遙



見江南樹時逢洞口花拏舟新月上直至長風沙

發惟揚

嚴繩孫

輕舫春流上煙光淨客衣岸知緣海濶山自渡江稀細  
路花將盡空村燕不飛浮家吾自可白首共漁磯

九日揚州文星閣登高

鄧漢儀

徑僻人稀到林深菊未荒吾儕尊九日天地老斜陽渺  
渺江淮路蕭蕭吳楚鄉但宜傾濁酒無力問滄桑

廣陵懷古

錄一

許承家

漢室藩封貴江都相廣川黃雲遮第宅朱邸老才賢但  
有膠西怨誰憐博士蘊門前雙井在嗚咽動寒蟬

揚州府志

卷之三十九

藝文

七

詩 五言排律

送陸侍御歸淮南使府五韻

唐

劉禹錫

江左重詩篇陸生名久傳鳳城來已熟羊酪不嫌羶歸  
路芙蓉府離堂玳瑁筵泰山呈臘雪隋柳布新年曾忝

揚州薦因君達短牋

時段丞相鎮揚州嘗辱表薦

揚州卽事

元 宋·无

玉壘開方面金湯控上游連營驃騎宅重柝鴈行樓疆  
弩虛空發飛檣日夜浮煙生烽燧地草死虎狼秋此處  
兵威震當時國步憂六年襄邵守三策盡臣謀大將溪  
圍陷長江萬里休兩淮先按堵孤注獨橫籌破竹纔乘



勢聞風已置郵乾坤機軸轉海嶽版圖收春變山塘柳  
波通汴水鷗平坡南下馬遠渡北來舟無復瓊花夢猶  
餘芍藥愁塵埃何豎子還擁黑貂裘

登廣陵城臺

壬午寓揚州作

國朝

李沂

城闕凝春望人煙落照中山河仍禹甸草木自王風地  
控江淮阻途兼南朔通菁華騰楚域國俗染隋宮野曠  
羅紈合衢長錦繡克星繁開綺戶鱗次列珠蘂柳葉歌  
催放池冰酒滴融促絃縈亂蝶悲管咽孤鴻雜沓隨高  
蓋登臨集鉅公因依盟指日擺脫氣凌虹石座珊瑚大  
秦樓翡翠濛王孫金鑿落娼女玉玲瓏選勝朝朝聚留  
揚州府志

卷之三十九

藝文

八

歡處處同晴漪浮桂楫煖榭長蘭叢烽警遙傳北星氛  
歛轉東庶司方悄悄諸務頗匆匆競插魚囊箭俱張虎  
鬣弓教場喧閱武太守勉臨戎百雉修墉峻羣龍畫幟  
雄軍需供賈客兵仗執兒童細草蕭條綠繁花寂寞紅  
從來佳麗地回首意無窮

次揚州

毛奇齡

八月隋堤柳三秋揚子波南朝曾作鎮大業舊開河螢  
苑鏗花草瓊臺尚綺羅雷塘宮北舞水調竹西歌高旆  
京漕粟長船蜀估嗒重闌如合璧交塹勝連珂京口雲  
生晚淮南木落多蕪城吾有賦騁望意如何



真州

旅泊驚銷夏江行入早秋涼風吹甃社夜月上真州露  
白沙俱淨潮來水自流燈檣圍翟賈酒市記秦郵瓜蔓  
橫江步礬花映石頭女郎歸浣浦太子去書樓野鵲棲  
前渡飛龍過此洲只憐亡楚客吹笛尚悠悠

金長真太守興復平山堂落成讌集紀事五十韻

曹溶

楚服新圖廣隋宮古意遙采幽情易展履患感徐消岡  
峻綿虛郭溝寒急暮潮昔賢曾撫字盛化合風謠宴息  
愁靡定經營志必超清樽羅劒鳥紅藥爛妖嬈堂圮花

揚州府志

卷之三十九

藝文

九

頻換星移勝盡凋巨觀沉第莽遺址閱蠓蛸俎豆廻腸  
切登臨發興饒芳模欣接武令望近乘輅瓦礫生憑弔  
煙雲慰寂寥梅宜何遜管柳憶絳仙腰况此高流蹟難  
隨劫火飄元龜諏碧壤勝槩劃丹青下宇盤圓礎危梁  
曳錦幟傍檐飛日月啓座納金焦脈故通巴峽場堪瞰  
夏苗雕牆搖海蜃網戶密吳綃擇地原無敵懷恩自不  
祧衣冠驚野衲精爽避山魃議列曾蘇配煩將事業描  
刻期齊匠指用力謝民徭遐邇看和會提攜見久要嶠  
函歸寓籍越巒剩賓寮緩帶趨油幕催觴過石橋華茵  
環赤岸繡蓋媚青苔浮薄羞街帖才名逼斗杓朱旗廻



貝影畫鼓盪涼颺杖策猶溪陟明燈許徹宵忝爲征客  
長劇喜醉翁招雄視疲驅馬閒身伴珥貂狂瀾雙擊楫  
塵市一吹簫粉嶂慚題壁松枝勇掛瓢是邦偏衍衍於  
物未蕭蕭載雪帆檣駛橫戈斥堠銷田功參煮冶州版  
襲黃姚陌畔車相逐峯前侶互邀四方文士藪六代美  
人標竊祝鯨鯢徙誰容狡獪驕潭堤薪莫槌通角羽常  
燒良牧真司命端居便戢囂珉碑喧萬井玉節動中朝  
上第森編戟嚴符出麗譙在公勤吐握瀕去惜岿堯廉  
橐傾南土孤亭枕北條鴻猷傳巖業宿好報瓊瑤政績  
廬陵譜絃從慶曆調琴書爭拂拭草木再天喬遊罷應

揚州府志

卷之三十九

藝文

十

騎鶴詩成孰射鵬那能陪後乘祇擬托漁樵

詩  
七言律

送大理張卿之廣陵

唐  
顧况

春色依依傷解攜月卿今夜宿隋堤白沙洲上江藩長  
綠樹村邊謝豹啼遷客本來無倚仗故人相去隔雲霓  
越禽惟有南枝分日送歸鴻飛向西

送皇甫冉往安宜

李嘉祐

江臯盡日惟煙水君向白田何日歸楚地蒹葭連海迥  
隋朝楊柳映堤稀津樓故市生荒草山館空城閉落暉  
若問行人與征戰使君雙淚定沾衣



宿揚州

李紳

江橫渡澗煙波晚潮過金陵落葉秋嘹唳塞鴻經楚澤  
淺溪紅樹見揚州夜橋燈火連星漢水郭帆檣近斗牛  
今日市朝風俗變不須開口問迷樓

江都

羅隱

淮土高讌動江都會憶狂生亦坐隅九里樓臺牽翡翠  
兩行鴛鴦踏真珠歌聽麗句秦雲咽詩轉新題蜀錦鋪  
惆悵晉陽星折後世間兵革地荒蕪

過揚州

韋莊

當年人未識干戈處處青樓夜夜歌花發洞中春日永  
揚州府志

卷之三十九

藝文

十一

月明衣上好風多淮王去後無雞犬煬帝歸來葬綺羅  
二十四橋俱寂寞綠楊摧折舊官河

送張員外任江都令

宋徐鉉

經年相望隔重湖一旦相逢在上都塞詔官班聊慰否  
埋輪意氣尚存無由來聖代憐才子始覺清風激懦夫  
若向西岡尋勝賞舊題名處爲躊躇

芍藥詩

揚州僧舍植數十本牡丹落時繁艷可愛因賦詩三章書於僧壁

王禹偁

牡丹落盡正淒涼紅芍開時醉一場羽客暗傳尸解法  
仙家重蕪返魂香蜂尋檀口論前事露濕紅英試曉粧



曾忝掖垣真舊物多情應認紫薇郎

滿院勺開似赤城帝鄉齊點上元燈感傷綸閣多情客  
珍重惟揚好事僧酌處酒杯深蘸甲折來花朵細含稜  
老郎爲郡辜朝寄除却吟詩百不能

廣陵

蔡襄

廣陵歸客歎飛蓬懷古傷離向此中前世翻波那復問  
十年彈指已成空樓頭畫角催殘日城上寒鴉噪晚風  
井徑蕭條人不見又隨潮信過江東

出儀真汎大江

歐陽修

孤舟日日去無窮行色蒼茫杳靄中山浦轉帆迷向背

揚州府志

卷之三十九

藝文

十三

夜江看斗辨西東漉田漸下雲間雁霜白初丹水上楓  
蓴菜鱸魚方有味遠來猶喜及秋風

送楊祕丞秉通判揚州

司馬光

苦聞小杜說揚都當日豪華今在無江勢橫來控南楚  
地形前下瞰東吳萬商落日船交尾一市春風酒並壚  
得意莫忘京國友踏塵衝雪奉朝趨

揚州感舊懷古

王巖叟

隱隱蕪城枕碧流繁華曾是帝王州一聲水調滿明月  
十里春風半畫樓白鳥不離圖上去江雲長在鑑中游  
廢興屈指千年事何異行人寄傳郵



次韻王定國倅揚州

蘇軾

此身江海寄天遊一落紅塵不易收未許相如還蜀道  
空教何遜在揚州又驚白酒催黃菊尚喜朱顏映黑頭  
火急著書千古事虞卿應未厭窮愁

送杜介歸揚州

蘇轍

揚州繁麗非前世城郭蕭條有古風尚有花畦春雨後  
不妨水調月明中東都甲第非嫌汝北牖羲皇自屬翁  
清洛放船經月事急先鷓鴣遶芳叢

次韻寄藍六在廣陵

黃庭堅

聖學相期滄海頭當時各倚富春秋班揚文字初無意  
揚州府志

卷之三十九 藝文

三

滕薛功名自不優焦尾朱絃非衆聽南山白日使人愁  
傳聲爲向揚州問相憶猶能把酒不

九日寄秦覲高郵

陳師道

疾風回雨水明霞沙步叢祠欲暮鴉九日清樽欺白髮  
十年爲客負黃花登高懷遠心如在向老逢辰意有加  
淮海少年天下士可能無地落烏紗

海陵春雨

曾肇

公事無多使客移雨時衙退吏人歸沉煙一炷春陰重  
畫角三聲晚照微桑雉未馴慚報政海鷗相近信忘機  
只將宴坐收心念懶向人間問是非



送俞秀老歸惟揚

鄒浩

路雪驅驅原憲履御風獵獵老萊衣情投豈比鍾山出  
興盡還同剡水歸煬帝池邊松蔭遠維摩室內燭光微  
攜筇促席徜徉處應記當年接下機

奉送七兄赴揚州帥幕

陸游

初報邊烽照石頭旋聞戎馬集瓜洲諸公誰聽芻蕘策  
吾輩空懷畎畝憂急雪打牕心共碎危樓望遠涕俱流  
豈知今日淮南路亂絮飛花送客愁

送鄧根移戍揚州

周必大

聞道惟揚地望雄風流人物似江東六龍前日臨淮海  
揚州府志

卷之三十九

藝文

古

五馬由來說醉翁璧月幾橋留夜色珠簾十里待春風  
遙知九月平山會笑插茱萸滿鬢紅

趙龍學寄陽羨茶爲汲蜀井對瓊花烹之

方岳

三印誰分陽羨茶自煎蜀井滄瓊花數間明月玉川屋  
兩腋清風銀漢槎團鳳烹來奴僕等老龍畢竟當行家  
相思幾夢山陰雪搜攪平生書五車

興教寺勸農呈使君

徐鹿卿

自從幽雅無傳後漢有龔黃宋有羅夙駕朱轡勤勤相  
奉宣黃紙放催科一犁煙雨郊原曉千里春風嶺嶠和



看取便民橋下水滿江濃綠漲恩波

過廣陵驛

元 薩都刺

秋風江上芙蓉老階下數株黃菊鮮  
落葉正飛揚子渡行人又上廣陵船  
寒砧萬戶月如水老雁一聲霜滿天  
自笑棲遲淮海客十年心事一燈前

中秋廣陵對月

張 翥

散盡浮雲月在東白蕉衫冷小庭空  
星河夜影尊罍裏城郭秋聲鼓角中  
落葉有光時墜露鳴蛩無響不含風  
此生五十三回見只遣嫦娥笑秃翁

憶廣陵舊事

揚州府志

卷之三十九

藝文

十五

君王昔在鎮南年賓客風流日滿筵  
上國旌旗分一半層臺歌舞宿三千  
豪華遽盡悲離黍形勝空存慘暮煙  
多少楚魂歸未得江流無際海連天

過揚州

劉 秩

廣陵不見舊風煙楚客登臨思惘然  
水落魚鰕常滿市湖多蓮芡不論錢  
干戈滿地懷今日歌舞連天記昔年  
獨有長橋秋夜月照人猶自弄嬋娟

過揚州

明 王 冕

東南重鎮是揚州分野星辰近斗牛  
人物漸分南北異江淮不改古今流  
瓊花香菱神仙珮楊柳風閑帝子舟



十里珠簾晴不下銀罌翠管滿紅樓

廣陵懷舊

汪廣洋

官柳陰陰鎖汴橋暖催晴綠上蘭橈花迎后土依然在  
人去東風不可招紫陌漸稀春試馬青樓殊絕夜吹簫  
回看烽火連雲起應使江淹歎寂寥

過揚州

李質

三十年前記此過皆春樓下駐行窩十千一斗金盤露  
二八雙鬟玉樹歌自昔瓊花祠后土至今荆棘臥銅駝  
江都門外王孫草怨入東風綠更多

廣陵雜興

袁華

揚州府志

卷之三十九

藝文

六

十年不到廣陵城依舊璫芳弄晚晴繡被土甃于闐寺  
寶裝刀劔鎮南營樓飄簫鼓雲中響地接烟花日外明  
小杜風流今寂寞誰攜紅袖按新聲

長江天險隔南徐千古英雄恨有餘玉樹歌殘龍虎地  
錦帆船下斗牛墟柳迷竹浦寒鴉聚水漫雷塘野老漁  
欲弔文章賢太守山堂零落昔年書

惟揚懷古

胡儼

惟揚自昔盛繁華香靄彤宮映晚霞野店停舟詢往事  
水亭吹笛是誰家行人尚說金盤露仙子空遺玉樹花  
二十四橋明月在垂楊幾樹照棲鴉



過揚州

史 謹

長空開霽晚霞明  
篷底淮山隔岸青  
鴉散黑雲爲陣勢  
楓飄紅雨作秋聲  
蕃釐玉樹應無種  
東閣官梅尚有名  
惆悵牧之招不得  
與誰同醉竹西亭

初至儀真

呂 夔

城郭吞波激灩虛  
淺沙溪荻半泥淤  
落帆山在濤驚處  
解劍津連汝上初  
鹽出海濱人射利  
米來江外國興儲  
近村官舍清如水  
更喜官清水不如

送李司封謫廣陵

李攀龍

明光起草羨青春  
服藥求仙笑此身  
白首雲霄空薦士

揚州府志

卷之三十九

藝文

七

黃金湖海未逢人  
廣陵鴻雁來秋色  
寒雨江楓度逐臣  
見說故園湘水上  
懶將詞賦弔靈均

過揚州

宗 臣

湖上行吟落日邊  
高秋蕭索倍凄然  
蕪城舊識參軍賦  
玉樹空傳帝子篇  
隋苑雲殘楊柳色  
邗江夜斷荻蘆烟  
可憐白舫青蓑者  
尚有漁歌似昔年

清明揚州道中憶王端公

朱日藩

江花江草淨春烟  
北望空懷乘興船  
水國人家種楊柳  
清明士女競鞦韆  
客厨未乞龍蛇火  
旅食頻催犬馬年  
遙想風流王柱史  
西臺銀燭柘枝顛



秋晚登廣陵城

歐大任

西風淮水下邗溝何處關山獨倚樓賦後蕪城荒井逕  
書來瓜渚斷江流青天寒色干砧夕滄海潮聲萬弩秋  
滿目蒼蒼見平楚不知歌吹在揚州

泊孟城驛東仲輞莊

金鑾

孟城驛口射陽西水國風烟似五溪萬井落花春後廢  
幾家垂柳雨中齊時臨野店炊晨黍漸入荒村報午鷄  
見說輞川多勝事經過原許一相攜

渡楊子江寄吳氏伯仲

王穉登

烟中流水曉潺潺楊子津頭雨一灣沾袖成斑皆客淚  
揚州府志

卷之三十九

藝文

六

隔江如黛是家山欲探子母羞錢篋未卜雌雄泣劍環  
寄語吳郎三玉樹莫因裘敝笑人還

廣陵別景升小修

袁宏道

搔頭幾日見新絲二月河橋上馬時長短官街驚夢鼓  
高低楊柳骨長枝江烟一擔克行李流水三叉各路岐  
北地南天千萬里青巾白袷幾人知

廣陵別友

葉向高

浮生底事最堪愁畏路馳驅易白頭兩度相逢重九日  
一經離別又三秋菊當有酒花偏媚身到無官夢亦休  
後會登高何處是年年回首憶邗溝



題廣陵菽園

錢謙益

架構半臨邛水涯隋堤迎却俯塵沙南塘路識將軍第  
東閣梅如水部衙十里珠簾叢腐草二分明月冷梅花  
輕軒奉母承平事會有新詩補白華

十月朔日抵廣陵

隋苑荒臺葉不飛竹西歌吹正依稀流螢尚作蕪城夢  
跨鶴真同華表歸舊事月明空在眼新愁水調欲沾衣  
笊籬灣畔孤墳在萬點寒鴉送落暉

故人顧所建墓在笊籬灣

同陳百善諸子竹西舟泛作

梁以樟

寒城烟雨濕棠梨舊事風流話竹西香草夢攜三楚句

揚州府志

卷之三十九

藝文

九

黃壚人換六朝題耳邊棊墅過王謝林下琴廚笑阮嵇  
斜日酒醒誰喚得一聲江月落銅鞮

揚州

國朝

吳偉業

疊鼓鳴笳發棹謳榜人高唱廣陵秋官河楊柳誰新種  
御苑鶯花豈舊游十載西風空白骨甘橋明月自朱樓  
南州枉作迎鑾鎮難博雷塘土一邱

廣陵感懷

龔鼎孳

落日櫓搖蓬鬢客蕪城秋老菊花時鴈迴玉塞知鄉路  
草接銅駝上遠陂南國旌旗潮外隱錦帆簫管月中悲  
天高風急仍鉦鼓岐路徘徊安所之



蕪城中秋念舍弟靖公

周亮工

却聽長年停棹語今年佳節在蕪城江邊秋月無雙色  
客裏歸鴻第一聲靜夜扣舷他日淚深卮俛首故園情  
不知時序何由變忍使燈前念弟兄

海陵過宮紫懸春雨草堂

髯公小築古銀灣檻外時看鷗鷺還半畝惟欣春雨足  
百年獨愛草堂閒空餘几隱稱南郭未有文移自北山  
一過嶺頭十六載聞君歲歲戶常關

留別揚州

林古度

不到揚州五十年繁華逝水倍淒然來尋朱戶多移主

揚州府志

卷之三十九

藝文

三

歸貫青山不費錢三伏薰風憐潄倒二分明月惜周旋  
可能老我重相訪再酌棲靈第五泉

揚州九日同姜如農王西樵程穆倩登高

宋 琬

塞鴻猶未到蕪城載酒登樓雨乍晴山色淺深隨夕照  
江流日夜變秋聲上方鐘磬疎林滿十里笙歌畫舫明  
空負黃花羞短鬢寒衣三泮客心驚

客真州登天寧寺浮圖

劉梁嵩

攝衣蘭若引丹梯塔影層開落照齊空外人窮千里思  
望中鳥與數帆低下方杳靄分鐘磬遠浦烽烟曉鼓鼙



極目晴江如畫在不堪風景古今迷

歸寶應後重登大觀閣

郭昂

少壯登臨老倦還舊遊今日得重攀僧來面熟頭皆白  
友沒詩存淚欲潛望裏滄桑驚醉眼樽前雲樹破愁顏  
朗吟四十年前句牕爲湖光夜不關

廣陵秋興次杜少陵韻

錄二

金鎮

山河百戰付殘暉無復離宮鎖翠微過客漫悲楊柳曲  
行人但指鷓鴣飛文章蕭統樓還在賓客劉安事竟違  
彌望江頭增戍壘秋高苜蓿馬初肥

淮南勝蹟在平山極目南徐指顧間銜尾漕舟通楚甸

揚州府志

卷之三十九

藝文

三

踏歌燈市繞邗關雨餘熠燿潛消影霜老芙蓉暗換顏  
魚鑰菟符來臥護多慚長孺昔清班

詩 五言絕句

揚州懷古

唐 李益

故國歌鐘地長橋車馬塵彭城閣邊柳偏似不勝春

揚州早鴈

江上三千鴈年年過故宮可憐江上月偏照斷根蓬

楊子途中

柳談

楚塞望蒼然寒林古戍邊秋風人渡水落日鴈飛天

揚州寄諸子

裴夷直



十里隔烟波孤舟宿何處遙思耿不眠淮南夜風雨

詩 七言絕句

黃鶴樓送孟浩然之廣陵

唐 李白

故人西辭黃鶴樓烟花三月下揚州孤帆遠影碧空盡  
惟見長江天際流

送豆盧郎赴海陵

劉 商

煙波極目已沾襟路出東塘水更深看取海頭秋草色  
恰如江上別離心

廣陵楊柳枝詞

劉禹錫

揚子江頭烟景迷隋家宮樹拂金堤嗟峨猶有當時色

揚州府志

卷之三十九 藝文

三

半蘸波中水鳥棲

揚州等張籍不見

王 建

別後知君在楚城揚州寺裏覓君名西江水濶吳山遠  
却打船頭向北行

廣陵登高懷邵二

歐陽詹

簪萸汎菊俯平阡飲過三杯却惘然十歲此辰同醉友  
登高各處已三年

寄海陵縣韓長官

鮑 溶

吏散重門却不開玉琴招鶴舞徘徊野人爲此多東望  
雲雨仍從海上來



宿揚州

宋 蔡 襄

瓜洲堰埭阻行橈更等江頭後信潮獨背殘燈數歸路  
風傳寒柝夜迢迢

登揚州北門

梅堯臣

樓上山如澹墨畫城中水似輕藍接揚州今似刀州景  
似聽中和樂職歌

入瓜步望揚州

王安石

落日平林一水邊蕪城掩映祇蒼然白頭追想當年事  
幕府青衫最少年

廣陵早春

黃庭堅

揚州府志

卷之三十九 藝文

三

春風十里珠簾捲髣髴三生杜牧之紅葉梢頭初蠶栗  
揚州風動鬢成絲

自道山倅海陵

劉 敞

壁間金闕倚天開五見宮花落井槐明日扁舟滄海去  
却尋雲氣訪蓬萊

出城三首

視邵伯  
埭新堤

晁无咎

桃欲呈紅柳弄陰麥田青已沒鞦深春堤細雨籃輿濕  
婆餅焦聲在竹林

故國龍舟休水調高城雉堞尚雲間蜀岡朝雨如輕霧  
不見春江草外山



堆案文書無了畢  
竝堤船舫且縈回  
非關董役年年事  
自爲春郊得得來

真州南樓呈同官

劉宰

南樓風物怯新晴  
管領心知獨有君  
縱使市聲塵午枕  
不妨清夢到行雲

出真州

文天祥

千金犯險脫旃裘  
誰料南冠反見仇  
記取小西門外事  
年年上巳哭江頭

至揚州

北廟何神三十郎  
問郎行客忒郎當  
荒堦枳棘無人問  
揚州府志

卷之三十九 藝文

二

風露滿堂清夜長

樵夫偏念客途長  
肯向城中爲裹糧  
曉指高沙移處泊  
司徒廟下賈家莊

發高沙

曉發高沙臥一航  
平沙漠漠水茫茫  
舟人爲指荒烟岸  
南北今年幾戰場

發海陵

自海陵來向海安  
分明如度鬼門關  
若將九折回車看  
倦鳥何年可得還

別揚州

元范惇



孤篷如磨遶汀沙葉滿平湖藕未花回首竹西亭漸遠  
一江烟雨酒旗斜

夜過黃泥渡

許謙

夜深風息水安流白鴈黃蘆滿眼秋行李蕭蕭官棹穩  
臥看明月過真州

揚州

吳師道

畫鼓清簫估客舟朱竿翠幔酒家樓城西高屋如鱗起  
依舊淮南第一州

揚州客舍

余闕

船頭澆酒祀龍神手擲金錢撒水中百尺樓船雙夾櫓

揚州府志

卷之三十九 藝文

三

唱歌齊上呂梁洪

揚州長橋

明蘇大年

綠陰高樹映清潭一舸夷猶酒半酣最愛西城城下路  
長橋烟雨似江南

揚州雜詠

王禕

春滿揚州廿四橋何人騎鶴聽吹簫瓊花芍藥猶閑事  
且訪平山舊柳條

揚州逢李十二行

袁凱

與子相逢俱少年東吳城郭酒如川如今白髮知多少  
風雨揚州共被眠



揚州僧舍見花有感

徐賁

風遞穠香到水涯  
幾株桃李映門斜  
侯家園圃多荒廢  
不是僧房不見花

揚州

程本立

遠水疎星影動搖  
西風落木景蕭條  
傷心一片船頭月  
猶照揚州廿四橋

寶應湖

王世貞

波搖匹練界長空  
天濶千帆處處風  
入霧樓臺先暝黑  
隔林楓葉後霜紅

廣陵春游曲

國朝  
王士禛

揚州府志

卷之三十九

藝文

三

紅樓空復玉人簫  
舊跡銷沉廿四橋  
殘醉臨風獨悵悵  
遠春無際水迢迢

清明送朱錫鬯之揚州

曹貞吉

風揚幾尺青帘子  
雨濕一枝紅杏花  
共向樂遊原上望  
鈿車流水日初斜

廣陵竹枝詞

李國宋

吳溝遙接汴河開  
江上春潮日日迴  
夜半槳聲聽不住  
南船纔過北船來

廣陵秋詞

王熹儒

劫火摧殘事已遙  
至今明月憶吹簫  
秋來夜夜霜如霰



白草寒烟廿四橋

詩餘

河傳

第六體揚州懷古

唐韋莊

何處烟雨隋堤春暮柳色蔥蘢畫橈金縷翠旗高颺杏  
風水光融青娥殿脚春粧媚輕雲裏綽約司花妓江  
都宮闕清淮月映迷樓古今愁

柳含烟

第二體隋堤

毛文錫

隋堤柳汴河春夾岸綠陰千里龍舟鳳舸木蘭香錦帆  
張因夢江南春景好一路流蘇羽葆笙歌未盡起橫  
流鎖春愁

揚州府志

卷之三十九

藝文

三

南柯子

揚州遊賞

宋蘇軾

山與歌眉斂波同醉眼流遊人都上十三樓道是竹西  
歌吹古揚州菰黍連昌歎瓊彝倒玉舟誰家水調唱  
歌頭聲繞碧山飛去晚雲留

望海潮

廣陵懷古

秦觀

星分牛斗疆連淮海揚州萬井提封花發路香鶯啼人  
起朱簾十里春風豪俊氣如虹曳照春金紫飛蓋相從  
巷入垂楊畫橋南北翠烟中追思故國繁雄有迷樓  
挂斗月觀橫空紋錦製帆明珠濺雨寧論雀馬魚龍往  
事逐孤鴻但亂雲流水縈帶離宮最好揮毫萬字一飲



拚千鍾

水調歌頭

舟次揚州和楊濟翁周顯先韻

辛棄疾

落日塞塵起邊馬獵清秋漢家組練十萬列艦聳層樓  
誰道投鞭飛渡憶昔鳴鏑血汚風雨佛狸愁季子正年  
少匹馬黑貂裘今老矣搔白首過揚州倦游欲去江  
上手種橘千頭二客東南名勝萬卷詩書事業嘗試與  
君謀莫射南山虎直覓富民侯

沁園春

惟揚作

劉克莊

遼鶴重來不見繁華只見凋殘甚都無人誦何郎詩句  
也無人報書記平安問里俱非江山畧是縱有高樓莫  
揚州府志

卷之三十九

藝文

三

倚闌沉吟處但螢飛草際鴈起蘆間不辭露宿風餐  
怕萬里歸來雙鬢斑算這邊贏得黑貂裘弊那邊輸了  
翡翠衾寒檄草流傳吟牋倚閣開到瓊花亦懶看君記  
取向中州差樂塞地無歡

風入松

廣陵元夜病中有感

元張翥

東風巷陌暮寒驕燈火鬧河橋勝遊憶徧錢塘夜青鸞  
遠信斷難招蕙草情隨雪盡梨花夢與雲銷客懷先  
自病無聊綠酒負金焦下帷獨擁香篝睡春城外玉漏  
聲遙可惜滿街明月更無人為吹簫

水龍吟

楊子江上作

國朝王士徵



岷峨萬里滔滔荆吳九派來南紀潯陽東下秣陵西望  
吳頭楚尾鐵甕風高海門鴈斷角聲初起歎從來多少  
英雄割據都付與東流矣 盡道長江天塹暗消磨幾  
番戰壘獅兒年少寄奴老手正堪相匹北府風流子有  
孫權甥如無忌到而今洗馬臨江愁絕一天烟水

揚州府志卷之三十九

終

揚州府志

卷之三十九

藝文

三